



Pisortat Digitalinngorsaannermik Aqutsisoqatigiivi – PDA-p suleriaasia

1. Inissitsiterneq

Ilaasortat

- a. PDA-mi aalajangersimasumik ilaasortat makkuninngaanneersuupput:
 - Digitalimik Sullissinermut Aqutsisoqarfiup naalakkersuisoqarfia
 - Aningaasaqarnermut Naalakkersuisoqarfik
 - Naalakkersuisoqarfiit digitaliseeriinermut periusissiami atuuttumi suleqataasut
 - Namminersorlutik Oqartussat Nunamut Namminermut Immikkoortortaqarfia
 - Avannaata Kommunia
 - Kommune Qeqertalik
 - Qeqqata Kommunia
 - Kommuneqarfik Sermersooq
 - Kommune Kujalleq

Aaqqissuussanit tamanit ilaasortaataasut aaqqissuussat sinnerlugit aalajangiisinnaatitaatinneqassapput.

- b. Aalajangeeqataasinnaatitaasut:
 - Namminersorlutik Oqartussat ataanni pisortanit aningaasaqarnermut sulisoqarnermullu IT-mut atortui pillugit immikkoortortaq
- c. Sinniisunik toqqaaneq
Aalajangersimasunik sinnisoqarnissaq piumasaaqatitaqanngilaq. Ilaasortaqaq ataatsimiigiarsinnaanngikkuni sinniisussaminik aggettitsinissaa kissaatiginarpoq.

2. Siulittaasoqarfik

- a. Aningaasaqarnermut Naalakkersuisoqarfimmi pisortaq PDA-mi siulittaasuusaaq.
- b. Ilaasortat akornanni siulittaasup tullianik toqqaasoqassaaq.

3. Ataatsimiigiaqqusineq ataatsimiikulanerillu

- a. PDA-mut allatsi ataatsimiigiaqqusisusassaaq.
- b. PDA-mi ataatsimiinnerit qaammatit pingasukkaarlugit ukiumut pilersaarutitut aalajangersakkat ukiup naanerani ataatsimiinnermi kingullermi akuersissutigineqartut naapertorlugit ingerlanneqartassapput. Pinartumik ataatsimiittariaqartussaasoqartillugu tamakkununga aggersaasoqartassaaq.
- c. PDA-mi atortussat, matumani oqaluuserisassat, ilanngussat atortussallu allat ataatsimiinnissaq kingusinnerpaamik sap. ak. ataaseq sioqqullugu nassiunneqartassapput.



- d. PDA-mi ilaasortat oqaluuserisassanngortitaat ataatsimiinneq kingusinnerpaamik sap. ak. sisamat sioqqullugit allatsimut nassiunneqassapput.
- e. Oqaluuserisassani immikkoortut ilanngussaq 1-imi malittarisassatut allaqqasut malissavai.
- f. PDA-mi ataatsimiinnerni oqaluuserisassat ataani ilusaasoq malissavaat. Immikkoortut allat PDA-mi oqaluuserineqartikkusutat aalajangiiffigisassatut imaluunniit ilisimatitsissutitut ilanngunneqartassapput.

Oqaluuserisassat minnerpaamik ima imaqartinneqassapput:

1. Oqaluuserisassat akuerineqarnerat
2. Aningaasartuutissatut atungassanut missingersuutit
 - Missingersuutinik nangitsineq
 - Ukiumi ataatsimiinnermi kingullermi: ukiut tullianut aningaasartuutissatut atungassanut missingersuutit
3. Aalajangiiffigisassat
 - 3.a. XX pillugu aalajangerneq
 - Ilanngussaq Y
 - Ilanngussaq Z
4. PDA-p pilersaarutinit/suliniutinit aningaasaliiffigisaasa killiffii
 - 4. a. Suliniut X
 - 4.b. Suliniut Y
5. Sullissivik.gl-ip suliniutai pillugit nalunaarusiorneq
6. Ilisimatitsissutit
 - a. Pisortat ataatsimoorlutik digitaliusumik aqqissugaanerat
 - b. Digitaliseeriinermut periusissiamit suliniutit allat PDA-mit aningaasalersugaanngitsut
 - c. Ilaasortat paasisutissiinerat/paasisanik paarlaasseqatigiinnerat
7. Immikkut sammisamik saqqummiineq
8. Oqaluuserineqarsinnaasut allat.

PDA-mi ataatsimiinnerni tamani sammineqartut pilersaarusiukkamik saqqummiunneqartassapput, naleqq. digitaliseeriinermut periusissiaq imaluunniit ilaasortat saqqummiussinerat.

Ukiumut pilersaarut

Kvartali	Q1	Q2	Q3	Q4
Ataatsimiinnerit imarisaat	<ul style="list-style-type: none">• Pilersaarutinit nalunaarusiorneq• Aningaasaqarneq• Ilisimatitsissutit• Immikkut sammisamik saqqummiineq	<ul style="list-style-type: none">• Pilersaarutinit nalunaarusiorneq• Aningaasaqarneq• Ilisimatitsissutit• Immikkut sammisamik saqqummiineq	<ul style="list-style-type: none">• Pilersaarutinit nalunaarusiorneq• Aningaasaqarneq• Ilisimatitsissutit• Immikkut sammisamik saqqummiineq	<ul style="list-style-type: none">• Pilersaarutinit nalunaarusiorneq• Aningaasaqarneq• Ilisimatitsissutit• Immikkut sammisamik saqqummiineq



				<ul style="list-style-type: none">• Ukiumut tulliuuttumut aningaasanik pingaarnersiuneq• Ukiumut tulliuuttumut ataatsimiinnissanut aalajangersaaneq
--	--	--	--	--

- a. Imaqarniliaq ataatsimiinnerup kingorna kingusinnerpaamik sap. ak. ataaseq qaangiuppat ilaasortanut akuerisassanngorlugit mailikkut nassiunneqartassapput. Imaqarniliap akuerineqarnissanut ilaasortat sap. ak. ataatsimik periarfissaqarput. Oqaaseqaateqartoqanngippat imaqarniliap akuerineqarneratut paasineqassaaq.

b. Ataatsimiinnerit akornanni inassuteqaatinik oqaluuserinnineq

PDA-mi ataatsimiinnerit marluk akornanni inassuteqaatinik oqaluuserinninnissamut pisariaqartitsisoqalissappat, inassuteqaatit PDA-p allatsianutmailikkut nassiunneqassapput. Tamatuma kingorna inassuteqaatip uterfiginissanut ilaasortat sap. ak. marlunnik periarfissinneqassapput.

Taasinermi amerlaqatigiikkaanni immikkoortoq 6-imi malittarisassat malinneqassapput.

Inassuteqaatinut apeqquteqaatit akissuteqarnermut piffissaliussaasup killinga nallertinnagu, kingusinnerpaamik sap. ak. ataaseq sioqqullugu nassiunneqartassapput akissuteqarnissamut killiliussa q sioqqullugu akissutit ilaasortanut tamanut nassiunneqarsinnaanerussammata..

c. Aalajangiilluarsinnaassuseqarneq

Ilaasortat affai najuukkaangata PDA aalajangiilluarsinnaassuseqartassaaq.

d. Taasinermi malittarisassat

Taasinermi nalinginnaasumik amerlassutsit malillugit aalajangiisoqartassaaq. Taasinerit amerlaqatigiippata siulittaasup taasineri aalajangiisuussaassaaq.

e. Suliat agguataaneri

Ataatsimiinnissaq sioqqullugu PDA-i ilaasortat pisussaaffigaat atortussatut nassiunneqartut paasisimasaqarfigereersimanissaat. Atortussatut nassiunneqartunut apeqqutissaqaraanni ataatsimiinnissaq kingusinnerpaamik sap. ak. pingasut sioqqullugu PDA-p allatsianut nassiunneqartassapput.

f. Ataatsimiinnerup ilusia

Ataatsimiinnerit digitalikkut ingerlanneqartassapput, naapilluni ataatsimeeqatigiinnissaq periarfissaalluni.



- a. Digitalikkut ataatsimiinneq
Ataatsimiigiaqqusinerit digitalikkut ataatsimiinnissatut allaqqasassapput..
Ataatsimiinnerit ingerlannissaannut Namminersorlutik Oqartussat digitalikkut atortorissaarutai PDA-p atortassavai.
- b. Naapilluni ataatsimiinnerit
Digitalimik Sullissinermut Aqutsisoqarfiup ataatsimiittarfiani ataatsimiinnissamut aggersaasoqartassaaq.

- g. Attaveqaqatigiinnissamut pisussaaffik**
PDA-mi ilaasortat tamarmiullutik, sinniisullu, PDA-mi aalajangiussat ilisimatitsissutillu aaqqissuussaminnut tamanut ingerlateqqittarnissaanut pisussaaffeqarput.
Ajornartorsiuteqartoqalissagaluarpat ilaasortat qisuariarfiginissaanut pisussaaffeqarput, PDA-milu ajornartorsiutigineqartut namminneq aaqqissuussaqaarfimmini eqqartussallugit taamaasiornikkullu iluarsiissuteqaqataasassallutik.

- h. Suleriasissami allannguinerit**
Suleriasissami allannguisoqarsinnaavoq 2/3-ii amerlanerussuteqartillugit.